

唐姚鵠詩集

字居雲會昌進士第

送李潛歸綿州覲省

朱樓對翠微紅旂出重扉此地千人望
宸天一鶴歸雪封山崦白鳥拂棧梁飛
誰比趨庭戀驪珠耀綵衣

塞外寄張侍御

千里入黃雲羈愁日日新
踈鍾關路曉遠雨塞山春
南眺有歸鴈北來無故人
却思陪宴處迴望與天隣

襄州獻盧尚書

立事成功盡遠圖一方獨與萬方
藩臣昔競
師兵畧相國今多揖廟謨禮樂政行凋弊俗歌
謠聲徹帝王都即隨鳳詔歸何處祇是操持造
化鑪

將歸蜀留獻恩地僕射二首

自持衡鏡採幽沉此事常聞曠古今危葉只將
終委地焦桐誰料却爲琴蒿萊詎報生成德犬
馬空懷感戀心明日還家盈眼血定應迴首即
沾襟

又

江上長思狎釣翁此心難與昨心同自承丘壑
新恩重已分煙霞舊隱空龍變偶因資巨浪鳥
飛誰肯借高風應憐死節無門効永歎潛懷似

轉蓬

一作水炭潛
憐逐轉蓬

隨州獻李侍御二首

彩筆曾專造化權道尊翻向宦途
端居有地
唯栽藥靜坐無時不憶山德望舊懸霄漢外政
聲新溢路歧間衆知聖主搜賢相朝夕欲徵黃
霸還

又

再別未甘何處說但垂雙淚出咸秦風塵疋馬來千里蓬梗全家望一身舊隱每懷空竟夕愁眉不展幾經春今朝儻降非常顧倒屣寧惟有古人

號州獻楊柳一作二首

蓋世英華更有誰賦成傳寫遍坤維名科累中求賢日苦節高標守郡時樓上叫雲秋鼓角林間宿鶴夜旌旗徵歸詔下應非久德望人情在鳳池

又

碧山曾共惜分陰暗學相如賦上林到此敢逾千里恨歸家且遂十年心踈愚秬怯膺門險淺薄爭窺孔室深一顧儻憐持苦節更令何處問升沉

曉發一作趙暇詩

旅行宜早發况復是南歸月影綠山盡鍾聲隔浦微殘星螢共失落葉鳥和飛去去渡南村
中人出稀

送僧歸新羅

淼淼萬餘里扁舟發落暉滄溟何歲別白首此

時歸寒暑途中變人煙嶺外稀驚天巨鰲闢蔽
日大鵬飛雪入行砂屢雲生坐石衣漢風深得
習休恨本心違

贈邊將

三邊近日往來通盡是將軍鎮撫功兵統萬人
爲上將威加千里懾西戎清笳遶塞吹寒月紅
旆當山肅曉風却恨北荒霑雨露無因掃盡虜
庭空

送費練師供奉赴上都

縮地周遊不計程古今應只有先生已同化鶴

臨華表又見驂龍向玉清蘿磴靜攀雲共過雪
壇當醮月孤明無因相逐朝天帝空羨煙霞得
送迎

題終南山隱者居

開門絕壑旁躡蘚過花梁路入峯巒影風來芝
朮香夜吟明雪牖春夢閉雲房盡室更何有一
琴兼一觴

奉和秘監從翁夏日陝州河亭晚望

洪河何處望一境在孤煙極野如藍日長波一作
似鏡年卷簾花影裏倚檻鶴巢邊霞焰侵旌旆

灘聲雜管絃鍾微來疊岫帆遠落遙天過客煩
相指應疑會水仙

和徐先輩秋日遊涇州南亭三二同年

多此歡情泛鷁舟桂枝同折塞同遊聲喧島上
巢松鶴影落杯中過水鷗送日暮鍾交戍嶺叫
雲寒角動城樓酒酬笑話秋風裏誰道槐花更
起愁

嘉川驛樓晚望

樓歷寒江上開簾對翠微斜陽諸嶺暮古渡一
僧歸窓迴雲衝起汀一作天遙鳥背飛誰言坐多

倦目極自忘機

風不鳴條

吾君理化清上瑞報時平曉吹何曾歇柔條自
不鳴花香知暗度柳動覺潛生只見低垂影一作
勢那聞擊觸聲大王初溥暢少女正輕盈幸遇
無私力幽芳願發榮

送人歸吳

東吳與上國萬里路迢迢爲別晨昏久全輕水
陸遙湘陰島上寺楚色月中潮到此一長望一作
歡知君積恨銷

送石貫歸湖州

同志幸同年高堂君獨還齊榮恩未報共隱事
應閑訪寺臨湖岸開樓見海山洛中推二陸莫
久戀鄉關

送劉耕歸舒州

四座莫紛紛須臾歧路分自從同得意誰不惜
離羣舊國連青海歸程在白雲弃繻當日路應
競看終軍

送黃頗歸表

莫倦連期在醉鄉孔門多戀惜分行文章聲價

從來重霄漢途程此去長何處聽猿臨萬壑幾
宵因月滯三湘鑪峯若上應相憶不得同過惠
遠房

和陝州參軍李通微首夏書懷呈同寮

張棠段群二先輩

公門何事更相牽邵伯優賢任養閑滿院落花
從覆地半簷初日未開關尋仙鄭谷煙霞裏避
暑柯亭樹石間獨爲高懷誰繼和掾曹同處桂
同攀

和工部楊尚書重送絕句

桂枝攀得獻庭闈何以空懷楚橘歸好控扶搖
早迴首人人思看大鵬飛

寄贈許璋少府

若說君高道何人更得如公庭唯樹石生計是
琴書詩句峭無敵文才清有餘不知尺水內爭
滯北溟魚

寄雍陶先輩

知音杳何處書札寄無由獨宿月中寺相思天
畔一作半樓露凝衰草白螢度遠煙秋悵望難歸
枕吟勞生夜愁

寄友人

西風又開菊久客意如何舊國天涯遠清砧月
夜多明時難際會急景易蹉跎抱玉終須獻誰
言戀薜蘿

書情獻知己

日日恨何窮巴雲舊隱空一作爲樓寓客二見北
歸鴻有道期攀桂無門息轉一作賃居將磬比乞
食與僧同花月登臨處江山悵望中衆皆輕病
驥誰肯救焦桐坐惜春還至愁吟夜每終谷寒
思變律葉晚怯迴風謁蔡慙王粲憐衡冀孔融

深恩知一作如尚在何處問窮通

感懷陳情

恩重空感激何門誓殺身謬曾分玉石竟自困
風塵陰谷非因暖幽叢豈望春升沉在言下應
念異他人

玉真觀尋趙尊師不遇

羽客朝元晝掩扉林中一徑雪中微松陰遶院
鶴相對山色滿樓人未歸盡日獨思風馭返寥
天幾望野雲飛凭高目斷無消息自醉自吟愁
落暉

送程秀才下第歸蜀

鶯遷與鷓退十載泣歧分蜀道重來老巴猿此
去聞曉程侵嶺雪遠棧入碛雲莫滯趨庭戀榮
親祇待君

及第後上主司王起

三年竭力向春闈塞斷浮華衆路歧盛選棟梁
昔日平均雨露及明時登龍舊羨無邪徑折
桂新榮盡直枝莫道只陪金馬貴相期更在鳳
凰池

送賀一本題上入道有擬字

若非堯運及垂衣肯許巢由脫俗機太液始同
黃鶴下仙鄉已駕白雲歸還披舊褐辭金殿却
捧玄珠向翠微羈束慙無仙藥分道車空有夢
魂飛

姚鵠詩終

校李滄葦鈔本補詩三首改定若干
洪憲元年一月一日觀賀辭記此增目

姚鵠詩補遺

早魚詞上苗相公

似龍鱗已足唯是欠登門日裏腮猶濕泥中目
未昏乞鋤防螳穴望水馮金盆他日能為雨公
田報此恩

野寺寓居即事二首

南山色當戶初日半簷時鶴去卧看遠僧來嫌
起遲窓明雲影斷庭曉樹陰移何處題新句連
谿密葉垂

古寺更何有當庭唯折幢伴僧青蘚榻對雨白

若非堯運及垂衣肯許巢由脫俗機
太液始同黃鶴下仙鄉已駕白雲歸
還披舊褐辭金殿却捧玄珠向翠微
羈束慙無仙藥分適車空有夢
竟飛

姚鵠詩終

校李滄葦鈔本補詩三首改定若干
洪憲元年一月一日觀賀歸記此增相

姚鵠詩補遺

早魚詞上苗相公

似龍鱗已足唯是欠登門日裏腮猶濕
泥中目未昏乞鋤防螳穴望水馮金盆
他日能為雨公田報此恩

野寺寓居即事二首

南山色當戶初日半簷時鶴去卧看遠
僧來嫌起遲窓明雲影斷庭曉樹陰移
何處題新句連谿密葉垂

古寺更何有當庭唯折幢伴僧青
蘚榻對雨白

雲窓暝色生前嶺離魂隔遠江沙洲半藜草飛
鷺白雙雙

送友人出塞

帝城春色著寒梅去恨離懷醉不開作別欲將
何計免此行應又隔年回入河殘日鵬西盡卷
雪驚蓬馬上來有思莫忘清塞學衆傳君負佐
王才

梨岳集

建州刺史李頻德新

湘口送友人

中流欲暮見湘煙葦岸無窮接楚田一作去鴈遠衝
雲夢澤一作離人獨上洞庭船風波盡日依山轉
星漢通霄向水連零落梅花過殘臘故園歸醉
及新年

鄂州頭陀寺上方

高寺上方無不見天涯行客思迢迢西江帆過
東風急夏口城衝一作楚塞遙沙渚漁歸多濕網

一作回首羨
君偏有我
一作去辭
一作去又

雲窓暝色生前嶺離魂隔遠江沙洲半藜草飛鷺白雙雙

送友人出塞

帝城春色著寒梅去恨離懷醉不開作別欲將何計免此行應又隔年回入河殘日鷗西盡卷雪驚蓬馬上來有思莫忘清塞學衆傳君負佐王才

梨岳集

建州刺史李頻德新

湘口送友人

中流欲暮見湘煙葦岸無窮接楚田一作去鴈遠衝雲夢澤一作離人獨上洞庭船風波盡日依山轉星漢通宵向水連零落梅花過殘臘故園歸醉及新年

鄂州頭陀寺上方

高寺上方無不見天涯行客思迢迢西江帆過東風急夏口城衝一作楚塞遙沙渚漁歸多濕網

一作回首美君偏有我
一作去辭
一作去又

桑林蠶後盡空條感時歎物尋僧話唯向禪心
得寂寥

寄遠

槐欲成陰分袂時君期十日復金扉槐今落葉
已將盡君向遠鄉猶未歸化石早曾聞節婦沉
湘何必獨靈妃須知此意同生死不學他人空
寄衣

題張司馬別墅

庭前樹盡手中栽先後花分幾番去聲開巢鳥戀
雛驚不起野人思酒去還來自拋官與青山近

誰訝一作料身為白髮日一作日催門外尋常行樂處重
重履跡在苔

長安即事

長遇豪家不敢過此身誰與取高科故園久絕
書來後南國空看鴈去多中夜永懷聽壘漏先
秋歸夢涉層波愁人白髮自生早我獨少年能
幾何

漢上逢同年崔八

去歲曾遊帝里春杏花開過各離秦偶先托質
逢知己獨未還家作旅人世上路岐何繚繞空

中光景自逡巡一回相見一離別
能得幾時年少身

五月一日蒙替本官不得隨例入闕感
懷獻送相公

五月傾朝謁紫宸一朝無分在清塵
含香已去星郎位衣錦唯思婺女鄰
折獄也曾爲俗吏勸農元本是耕人
知將何事酬公道只養生靈似養身

春閨怨

紅粧女兒窻下羞畫眉夫壻隴西頭
自怨愁容

長照鏡悔教征戍覓封侯

送邊將

防秋戎馬恐來奔詔發將軍出鴈門
遙領短兵登隴首獨橫長劍向河源
悠揚落日黃雲動莽蒼陰風白草翻
若縱干戈更深入應聞收拾到崑崙

太和公主還宮

天驕發使犯邊塵漢將推功遂奪親
離亂應無初去貌死生難有却迴身
禁花半老曾攀樹宮女多非舊識人
重上鳳樓追故事幾多愁思向

青春

將赴黔州先寄本府中丞

八月瞿塘倒底翻，孤舟上得已銷魂。
幕中職罷猶趨府，闕下官成未謝恩。
丹嶂聳空無過鳥，青林覆水有垂猿。
感知肺腑終難說，從此辭歸便掃門。

和友人下第北遊感懷

聖代爲儒可致身，誰知又別五陵春。
青門獨出空歸鳥，紫陌相逢盡醉人。
江島去尋垂釣遠，塞山來見舉頭頻。
且須共漉邊城酒，何必陶家有

白綸

樂遊原春望

五陵佳氣晚氛氳，霸業雄圖勢自分。
秦地山河連紫塞，漢家樓殿入青雲。
未央樹色春中見，長樂鐘聲月下聞。
無那楊花起愁思，滿天飄落雪紛紛。

黃雀行

欲竊高倉集御河，翩翩疑渡畏秋波。
朱宮晚樹侵鶯語，畫閣香簾奪燕窠。
踈葉暗棲寒露重，空城飢噪暮煙多。
誰令不解高飛去，破宅荒庭有

網羅

長安寓居寄栢侍郎

霜輕兩鬢欲相侵
愁緒無端不可尋
秦女紅粧空覓伴
郢郎白雪少知音
長亭古木春先老
太華晴煙晚更深
獨向灞陵東北望
一封書寄萬重心

春日思歸

春情不斷若連環
一夕思歸鬢欲斑
壯志未酬三尺劍
故鄉空隔萬重山
音書斷絕干戈後
親友相逢夢寐間
却羨浮雲與飛鳥
因風吹去又

吹還

朔中即事

關門南北雜戎夷
草木秋來即出師
落日風沙長暝早
窮冬雨雪轉春遲
山頭堠火孤明後
星外行人四絕時
自古邊功何不立
漢家中外自相疑

感懷獻門下相公

誰云郎選不由詩
上相憐才積有時
却是龍鍾到門晚
終非稽古致身遲
謀將郡印歸難遂
讀著家書坐欲癡
日望南宮看列宿
迢迢婺女與

鄉比

一作鄰毗

贈長城庾將軍

初年三十拜將軍近代英雄獨未聞
向國報恩心比石辭天作鎮氣凌雲
逆風走馬貂裘卷望塞懸弧鴈陣分
定擁節麾從此去安西大破犬戎羣

浙東獻鄭大夫

聖主東憂漲海濱思移副相倚陶鈞
樓臺獨坐江山月舟楫先行澤國春
遙想萬家開一作開外戶近聞羣盜竄
諸鄰幾時入去調元化天下同為

堯舜人

鏡湖夜泊有懷

東晉太守馬臻所築

廣水遙隄利物功因思太守惠無窮
自從版築興農隙長與耕耘致歲豐
漲接星津流蕩漾寬浮雲岫動虛空
想當戰國開時有范蠡扁舟祗此中

宣州獻從叔大夫

清時選地任賢明從此觀風輟尹京
日月天中辭洛邑雲山江上領宣城
萬家閭井俱安寢千里農桑競起耕
聞說聖朝同漢代已愁徵入拜

公卿

賀同年翰林從叔舍人知制誥

仙禁何人躡近蹤
孔門先選得真龍
別居雲路拋三省
專掌天書在九重
五色毫揮成渙汗
百寮班下獨從容
芳年貴盛誰爲比
鬱鬱青青嶽頂松

吳門別主人

一作吳門月夜
與曹太尉話別

早晚更看吳苑月
小齋長憶落西窓
不知明夜誰家見
應照離人隔楚江

自黔中歸新安

朝過春關辭北闕
暮參戎幕向南巴
却將仙桂東歸去
江月相隨直至家

奉和鄭薰相公

一本此下有
七松亭三字

三四株松匝草亭
便成彭澤柳爲名
遙峰隱去難辭闕
滄水朝迴與出城

及第後還家過峴嶺

魏馱山前一朶花
嶺西更有幾千家
石斑魚鮓香衝鼻
淺水沙田飯繞牙

春日旅舍

未識東西南北路
青春白日坐銷難
如何一別

故園後五度花開五處看

過長江傷賈島

忽從一宦遠流離無罪無人子細知到得長江
聞杜宇想君魂魄也相隨

自遣

永擬東歸把釣絲將行忽起半心疑青雲道是
不平地還有平人上得時

寄曹鄴

終南山是枕前雲禁鼓無因曉夜聞朝客秋來
不朝日曲江西岸去尋君

述懷

望月疑無得桂緣春天又待到秋天杏花開與
槐花落愁去愁來過幾年

客洛酬劉駕

浮世終應相送老共君偏更遠行多此回不似
前回別聽盡離歌逐權歌

題釣臺障子

君家盡是我家山巖子臺前枕古灣却把釣竿
終不可幾時入海得魚還

題陽山顧鍊師草堂

若到當時上昇處長生何事後無人前峰自去
種松子坐見閑一作來取茯苓神

聞金吾妓唱梁州

聞君一曲古梁州驚起黃雲塞上愁秦女樹前
花正發北風吹落滿城秋

遊蜀迴簡友人

別來十二月去到漏天邊不是因逢閨還應似
隔年一作蜀

贈涇州王侍御

一日天書下紫微二年旌旆隴雲飛塞門無事

春空到邊草青青戰馬肥

夏日宿秘書姚監宅

貴宅多嘉樹先秋有好風情閑離闕下夢野在

山中露色浮寒瓦螢光墮暗叢聽吟麗句盡河

漢任西東一作轉虛空

過嵩陰隱者

當門看少室倚杖復披衣每日醒還醉無人是

與非架書抽讀亂庭果摘嘗稀獨有江南客思

家未得歸

留別山家

一作高樹密濛濛
濛濛樓待晚風

到

一作蜀

閑門不易求半月在林丘已與山水別難爲花
木留孤懷歸靜夜遠會隔高秋莫道無言去冥
心在重遊

送人遊吳

一作送人
游湖西

楚田開雪後草色與君看積水浮春氣深山滯
雨寒毗陵孤月出建業一鐘殘爲把鄉書去因
收別淚難

東渭橋晚眺

秦地有吳舟千櫂渭曲頭人當返照立水徹故
鄉流落第春難過窮途日易愁誰知橋上思萬

里在江樓

送延陵韋少府

延陵稱貴邑季子有高蹤古跡傳多代仙山管
幾峰微泉聲小雨異木色深冬去畢三年秩新
詩篋不容

淮南送人歸滄州

一本無
友字

風色忽西轉坐爲千里分高帆背楚落寒日逆
淮曛斷燒緣喬木盤鷗隱片雲鄉關百戰地歸
去始休軍

夏日題蓋屋友人書齋

脩竹齊高樹書齋竹樹中四時無夏日三伏有
秋風黑處巢幽鳥陰來叫候蟲窻西太白雪萬
仞在遙空

尋山

一徑入雙嵯初疑有幾家行窮人不見坐久日
空斜石上生靈草泉中落異花終須結茅屋向
此學養霞

送元遂上人歸錢塘

白衣遊帝鄉已得事空王却返湖山寺高禪水
月房由中過嶽黑秋後宿船涼迴顧秦人語他

生會別方

貽友人喻坦之

從容心自切飲水勝銜盃共在山中長相隨闕
下來脩身空有道取事各無媒不信昇平代終
遺草澤才

送友人往振武

風沙遙見說道路替君愁磧夜星垂地雲明火
上樓征鴻辭塞雪戰馬識邊秋不共將軍語何
因有去留

賦得長城斑竹杖

秦脚版築時翦伐不知誰異代餘根在幽人得
手持細看生古意閑倚動邊思莫作鳩形並空
將鶴髮期

送德清喻明府

棹返雲溪雲仍參舊使君州傳多古跡縣記是
新文水柵橫舟閉湖田立木分但如詩思苦爲
政即超羣

送薛能少府任蓋屋

不才甘下第君子蹇何重相送昆明岸同看太
白峰數瓢留頃刻殘照迫從容好去煙霞縣仙

人有舊蹤

送許壽下第歸東山

吾君設禮闈誰合學忘機却是高人起難爲下
第歸出關心縱野避世事終稀莫更今秋夕相
思望少微

冬夜酬范秘書

一作九衢春日
酬范秘書

九衢行一匝不敢入他門累日無餘事通宵得
至言命嗟清世蹇春覺閏冬暄翻覆吟佳句何
酬國士恩

送陸肱尉江夏

如何執簡去便作掛帆期澤國三春早江天落日遲縣人齊候處洲鳥欲飛時免褐方三十青雲豈白髮

漢上送人西歸

幾作西歸夢因爲愴別心野銜天去盡山夾漢來深疊浪翻殘照高帆引片陰空留相贈句畢我白頭吟

蜀中逢友人

自古有行役誰人免別家相歡猶陌上一醉任天涯積疊山藏蜀潺湲水繞巴他年復何處共

說海棠花

寄范評事

行坐不相遺轅門載筆時雅知難更遇舊分各長思夢即重尋熟書常轉達遲山齋終擬到何日遂心期

南遊過湘漢即事寄友人

南去遠驅逐三湘五月行巴山雪水下楚澤火雲生向野聊中飲乘涼探暮程離懷不可說已迫峽猿聲

送許渾侍御赴潤州

一作此日看行色
令人動遠心

家山近石頭遂意恣東遊祖席離烏府歸帆轉
蜃樓陰氛出海散落月向潮流別有爲霖日孤
雲未自由

喜友人厲圖南及第

相憂過已切相賀似身榮心達無前後神文共
死生承家吾子事登第世人情未有通儒術明
時道不行

送友人下第歸越

歸意隨流水江湖共在東山陰何處去草際片
帆通雨色春愁裏潮聲曉夢中雖爲半年客便

似往來鴻

寄友人

一別一相見須臾老此生客衣寒後薄愁思夜
深清詩近吟何句髭新白幾莖路岐如昨日來
往夢分明

送友人下第歸宛陵

天涯長戀親闕下獨傷春擬住還求已須歸不
爲身臨岐仍犯雪掛席始離塵共泣東風別同
爲滄海人

秋夜對月寄鳳翔范書記

月過秋霖後光應夜夜清一迴相憶起幾度獨
吟行河漢東西直山川遠近明寸心遙往處新
有鴈來聲

送孫明秀才往潘州訪韋卿

北鳥飛不到北人今去遊天涯浮瘴水嶺外問
潘州草木春冬茂猿獠日夜愁定知遷客淚應
只對君流

八月十五夜對月

陰盛此宵中多爲雨與風坐無雲雨至看與雪
霜同抱濕離遙海傾寒向迴空年年不可值還

似命

一作道難通

及第後歸

家臨浙水傍岸對買臣鄉縱棹隨歸鳥乘潮向
夕陽苦吟身得雪甘意鬢成霜況此年猶少酬
知足自強

過巫峽

擁棹向驚湍巫峰直上看削成從水底聳出在
雲端暮雨晴時少啼猿渴下難一聞神女去風
竹掃空壇

送友人往太原

離亭聊把酒此路徹邊頭草白鴈來盡時清人
去遊汾河流晉地塞雪滿并州別有相思夜空
看北斗愁一作明日相思
起蕭條上北樓

旅懷

萬里共心論徒言吾道存奉親無別業謁帝有
何門水宿驚濤浦山行落葉村長安長夢去歌
枕即聞猿

送裴御史赴湖南

一作關門鳥道中飛傳復乘驄暮雪離秦甸春雲一作
雷入楚宮平蕪天共濶積水地多空使府懸帆去

能消幾日風

送姚郃先輩赴汝州辟

行李事寒天東來聘禮全州當定鼎處人去偃
戈年一作雷雨依嵩嶽桑麻接楚田遙知清夜作不
是借戎篇

初離黔中泊江上

去去把青桂平生心不違更蒙蓮府辟兼脫布
衣歸霽嶽明殘雪清波漾落暉無窮幽鳥戲時
向棹前飛

黔中酬同院韋判官

平生同所為相遇偶然遲各著青袍後無歸白
社期江流來絕域地府管諸夷聖代都無事從
公且賦詩

和范秘書襄陽舊遊

一作范御史
襄陽舊遊

聽詒揚帆興初從峴首還高吟入白浪遙看出
青山枯樹啼猿爽寒汀鶴步閑秋來關去夢幾
夜度商顏

秋夜山中思歸寄友人

蕭條對秋色相憶在雲泉木落病身起潮平歸
思懸涼鐘山頂寺暝火渡頭船此地非吾土淹

留又一年

自黔中東歸旅次淮上

行旅本同愁黔吳復阻脩半年方中路窮節到
孤舟夕靄垂陰野晨光動積流家山一夜夢便
是昔年遊

江夏春日感舊

東風出海門處處動林園澤國雪霜少沙汀花
木繁暖魚依水淺晴鴈入空翻何處陽和力生
萍不駐根

眉州別李使君

一作眉山留
獻張端公

迴首雪峰前朱門心杳然離人自嗚咽流水莫
潺湲毒草通蠻徼秋霖近漏天一生從此去五
字有誰憐

送許棠及第歸宣州

高科終自致志業信如神待得逢公道由來合
貴身秋歸方覺好舊夢始知真更想青山宅誰
爲後主人

黔中罷職將泛江東

黔荒初罷職薄俸亦無殘舉目鄉關遠攜家族
食難野梅將雪競江月共沙寒兩鬢愁應白何

勞把鏡看

長安書事寄所知

帝里本無名端居有道情睡魂春夢短書興晚
窻明老擬歸何處閑應過此生江湖終一日拜
別更東行

酬姚覃

不見又相招何曾訴寂寥醉眠春草長吟坐夜
燈銷淚墮思山切身歸轉路遙年年送別處楊
柳少垂條

春日鄜州贈裴居言

雖將身佐幕出入似閑居草色長相待山情信
不疎燈前春睡足酒後夜寒餘筆研時時近終
非署簿書

送于生入蜀

家吳聞入蜀道路頗乖離一第何多難成都可
少知江山非久適命數未終奇況又將冤抱經
春杜魄悲

送許棠歸涇縣作尉

青桂復青袍一歸榮一高縣人齊下拜邑宰共
分曹繞郭看秧插尋街聽繭繅封侯萬里者燕

額乃徒勞

友人話別

論文雖不早話別且相親除却棲禪客誰非南
陌人半生都返性終老擬安貧願入白雲社高
眠自致身

山居

欲出窮吾道東西自未能捲書

一作

誰對鶴開書

卷一作獨留僧落葉和雲掃秋山共月登何年石上

水夜夜滴高層

寄范郎中

迴首雪峰前朱門心杳然離人自嗚咽流水莫
潺湲毒草通蠻徼秋霖近漏天一生從此去五
字有誰憐

送許棠及第歸宣州

高科終自致志業信如神待得逢公道由來合
貴身秋歸方覺好舊夢始知真更想青山宅誰
爲後主人

黔中罷職將泛江東

黔荒初罷職薄俸亦無殘舉目鄉關遠攜家旅
食難野梅將雪競江月共沙寒兩鬢愁應白何

勞把鏡看

長安書事寄所知

帝里本無名端居有道情睡魂春夢短書興晚
窻明老擬歸何處閑應過此生江湖終一日拜
別更東行

酬姚覃

不見又相招何曾訴寂寥醉眠春草長吟坐夜
燈銷淚墮思山切身歸轉路遙年年送別處楊
柳少垂條

春日鄜州贈裴居言

雖將身佐幕出入似閑居草色長相待山情信
不疎燈前春睡足酒後夜寒餘筆研時時近終
非署簿書

送于生入蜀

家吳聞入蜀道路頗乖離一第何多難成都可
少知江山非久適命數未終奇況又將冤抱經
春杜魄悲

送許崇歸涇縣作尉

青桂復青袍一歸榮一高縣人齊下拜邑宰共
分曹繞郭看秧插尋街聽繭繅封侯萬里者燕

頷乃徒勞

友人話別

論文雖不早話別且相親除却棲禪客誰非南
陌人半生都返性終老擬安貧願入白雲社高
眠自致身

山居

欲出窮吾道東西自未能捲書一作簾誰對鶴開畫
一作卷獨留僧落葉和雲掃秋山共月登何年石上
水夜夜滴高層

寄范郎中

藜杖山中出吟詩獨范家相知從海嶠寄食向
京華名宦成何報清眸未縱賒臨叩夢來徃雨
雪滿袞斜

書懷

宦途從不問身事覺無差華髮初生女滄洲未
有家却閑思洞穴終老曠桑麻別訪棲禪侶相
期語劫沙

越中行

越國臨滄海芳州復舊晴湖通諸浦白日隱亂
峰明野宿多無定閑遊免有情天台聞不遠終

到石橋行

春日南遊寄浙東許同年

孤帆處處宿不問是誰家南國平蕪遠東風細
雨斜旅懷多寄酒寒意欲留花更想前途去茫
茫滄海涯

明州江亭夜別段秀才

離亭向水開時候復蒸梅霹靂燈燭滅蒹葭風
雨來京關誰共語海嶠不同迴莫爲尊鱸美天
涯滯爾才

臨岐留別相知

百歲竟何事一身長遠遊行將近老處處不
離愁世路多相取權門不自投難爲此時別欲
別願人留

鄂渚湖上即事

杜門聊自適湖水在窓間縱得滄沮去無過白
日閑多慵空好道少賤早凋顏獨有東峰月依
依自往還

辭夏口崔尚書

一飯仍難受依仁況一年終期身可報不擬骨
空鐫城晚風高角江春浪起船同來棲止地獨

去塞鴻前

秦原早望

一忝鄉書薦長安未得迴年光逐渭水春色上
秦臺燕掠平蕪去人衝細雨來東風生故里又
過幾花開

送友人之揚州

一作遊淮南

一別長安後晨征便信雞河聲入峽急地勢出
關低綠樹叢坎下青蕪潤楚西路長知不惡隨
處好留題

過四皓廟

東西南北人高跡自相親天下已歸漢山中猶
避秦龍樓曾作客鶴氅不為臣獨有千年後青
青廟木春

建州此詩嘗為方干誦之干大稱賞云有兩
字未穩指作為臣字也因改為為稱建州耶

陝下懷歸

故園何處在零落五湖東日暮無來客天寒有
去鴻大河冰徹塞高嶽雪連空獨夜懸歸思迢
迢永漏中

送徐處士歸江南

行行野雲薄寒氣日通春故國入芳草滄江終
白身遊歸花落滿睡起鳥啼新莫惜閑書札西

來問旅人

一作不得無來
札空令借問人

鄜州留別王從事

相識未十日相知如十年從來易離別此去忽
留連路險行衝雨山高度隔天終難清夜坐更
聽說安邊

長安書懷

匹馬西游日從吳又轉荆風雷幾夜坐山水半
年行夢永秋燈滅吟餘曉露明良時不我與白
髮向頭盈

一作
頭盈

冬夜山中尋友

一作
僧

一作夜山深雪後
月下獨尋師

何人山雪夜相訪不相思若待長閑日應無暫
到時葉寒凋欲盡泉凍落還遲即此天明去重
來未有期

送劉山人歸洞庭

去意無人會唯應道是從又作

若逐雲山去人間又絕蹤

一作却共歸雲
去高眠最上峰

半湖乘早

月中路入疎鐘秋盡草蟲急夜深山雨重平生
心未已豈得便相從

一作當時同隱
者分得幾株松

古意

白馬遊何處青樓日正長鳳簫拋舊曲鸞鏡懶
新粧玄鳥深巢靜

一作空
巢語

飛花入戶香雖非竇滔

婦錦字已成章

避暑

當暑憶歸林陶家借柳陰蟬從初伏噪客向晚
涼吟白日欺玄鬢滄江負素心神仙儻有術引
我出幽岑

送吳秘書歸杭州

為客得從容官清料復重海涯歸有業天日近
何峰是處通春棹無村不夜春馬卿誇貴達還
說返臨邛

中秋對月

中二聯同後夏日盤屋邨
寄姚少府詩

秋分一夜停陰魄最晶熒好是生滄海徐看歷
杳冥層空疑洗色萬怪想潛形他夕無相類晨
雞不可聽

八月上峽

一作八月
峽口作

萬里巴江水秋來滿峽流亂山無陸路行客在
孤舟洶洶灘聲急冥冥樹色愁免為三不弔已
白一生頭

送狄明府赴九江

一作送九
江狄明府

字人脩祖德清白定聞傳匹馬從秦去孤帆入
楚懸關中寒食雨湖上暑衣天四考兼重請相

知在幾年

陝下投姚諫議

舊業在東鄙西遊從楚荆風雷幾夜坐山水半
年行夢永秋燈滅吟孤曉露明前心若不遂有
耻却歸耕

中四句與長
安書懷同

關東逢薛能

何處不相思相逢還有時文心如到老會面未
為遲苦學緣明代勞生欲白髭唯君一度別便
似見無期

富春贈孫璐

天柱與天目曾棲絕頂房青雲求祿晚白日坐
家長井氣通潮信窻風引海涼平生詩稱在老
達亦何妨

送友人遊蜀

東堂雖不捷西去復何愁蜀馬知歸路巴山似
舊遊星臨劍閣動花落錦江流鼓吹青林下時
聞祭武侯

夏日蓋屋郊居寄姚少府

古木有清陰寒泉在下深蟬從初伏噪客向晚
涼吟白日欺玄鬢滄江負素心甚思終夜話何

路許相尋

中四句與
避暑同

送胡休處士之湘江

見說荆湘切長愁有去時江湖秋涉遠雷電夜
眠遲舊業多歸興空山盡老期天寒一瓢酒落
日醉留誰

峽州送清徹上人歸浙西

一作送清江
上人歸東林

風濤幾千里歸路半乘舟此地難相遇何人更
共遊坐經嵩頂夏行值洛陽秋到寺安禪夕江
雲滿石樓

送僧入天台

一錫隨緣赴天台又去登長亭舊別路落日獨
行僧夜燒山何處秋帆浪幾層他時授巾拂莫
為老無能

迴山後寄范鄩先輩

高樓會月夜北鴈向南分留住經春雪辭來見
夏雲遙空江不極絕頂日難曛一與山僧坐無
因得議文

長安送友人東歸

白社思歸處青門見去人鄉遙茂苑樹路入廣
陵塵海日潮浮曉湖山雪露春猶期來帝里未

是得閑人一作身

深秋過源宗上人房房一作方丈

到日值搖落相留山舍空微寒生夜半積雨向
秋終度講多來鴈經禪少候蟲方從聽話後不
省在愁中

秋日登山閣

蒼蒼山閣晚杳杳隙塵秋偶上多時立翻成盡
日愁草平連邑動河滿逐江流下視窮邊路行
人在隴頭

送宋震先輩赴青州此題疑有誤

第二聯同後暮秋宿清心寺院詩

天柱與天目曾棲絕頂房青雲求祿晚白日坐
家長井氣通潮信窻風引海涼平生詩稱在老
達亦何妨

送友人遊蜀

東堂雖不捷西去復何愁蜀馬知歸路巴山似
舊遊星臨劍閣動花落錦江流鼓吹青林下時
聞祭武侯

夏日蓋屋郊居寄姚少府

古木有清陰寒泉在下深蟬從初伏噪客向晚
涼吟白日欺玄鬢滄江負素心甚思終夜話何

路許相尋

中四句與
避暑同

送胡休處士之湘江

一作南

見說荆湘切長愁有去時江湖秋涉遠雷電夜
眠遲舊業多歸興空山盡老期天寒一瓢酒落
日醉留誰

峽州送清徹上人歸浙西

一作送清江
上人歸東林

風濤幾千里歸路半乘舟此地難相遇何人更
共遊坐經嵩頂夏行值洛陽秋到寺安禪夕江
雲滿石樓

送僧入天台

一錫隨緣赴天台又去登長亭舊別路落日獨
行僧夜燒山何處秋帆浪幾層他時授巾拂莫
為老無能

迴山後寄范鄴先輩

高樓會月夜北鴈向南分留住經春雪辭來見
夏雲遙空江不極絕頂日難曛一與山僧坐無
因得議文

長安送友人東歸

白社思歸處青門見去人鄉遙茂苑樹路入廣
陵塵海日潮浮曉湖山雪露春猶期來帝里未

是得閑人

一作
身

深秋過源宗上人房

房一作
文

到日值搖落相留山舍空微寒生夜半積雨向
秋終度講多來鴈經禪少候蟲方從聽話後不
省在愁中

秋日登山閣

蒼蒼山閣晚杳杳隙塵秋偶上多時立翻成盡
日愁草平連邑動河滿逐江流下視窮邊路行
人在隴頭

送宋震先輩赴青州

此題疑
有誤

第二聯同後暮秋宿清源人
院詩

滿閣終南色清宵獨倚欄風高斜漢動葉下曲
江寒帝里求名老空門見性難吾師無一事不
似在長安

題棲霞寺上人院

居與鳥巢鄰日將巢鳥親多生從此性久集得
無身樹老風終夜山寒雪見春不知諸祖後傳
印自何人

送友人之蜀

天際蜀門開西看舉別盃何人不異禮上客自
懷才夜澗青林發秋江綠水來臨邛行樂處莫

到白頭迴

贈同官蘇明府

山中畿內邑別覺大夫清簿領分王事官資寄
野情閑齋無獄訟隱几向泉聲從此朝天路門
前是去程

送厲圖南往荊州覲伯

雲水入荆湘古來魚鳥鄉故關重隔遠春日獨
行長山溜含清韻江雷吐夜光郡中詞客會遊
子更升堂

山中夜坐

山中來幾夜，倏忽隔秋殘。月滿方塘白，風依老樹寒。戲魚重躍定，驚鳥却棲難。爲有門前路，吾生不得安。

送台州唐興陳明府

見說海西隅，山川與俗殊。宦遊如不到，仙分即應無。瀑布當公署，天台是縣圖。遙知爲吏去，有術字惇孤。

夏日過友人檀溪別業

暑天宜野宅，林籟爽泠泠。沙月邀開戶，巖風助掃庭。鷺棲依綠篠，魚躍出青萍。客抱方如醉，因

來得暫醒

自江上入關

盡室寄滄洲，孤帆獨泝流。天涯心似夢，江上雨兼秋。文字爲人棄，田園被債收。此名如不得，何處擬將休。

冬夜和范秘書宿秘省中作

每日得閑吟，清曹闕下深。因知遙夜作，別有遠山心。芸細書中氣，松疎雪後陰。歸時高興足，還復插朝簪。

送友人遊太原

孤帆幾日懸楚客思飄然水宿南湖夜山離故
國年秋風高送鴈寒雨入停蟬此去勤書札時
常中路傳

江上寄山客

一本世居
字中字

山後與山前相思隔叫猿殘雲收樹末反照落
江源苦雨秋濤長狂風野火翻朝來賣藥客遇
我達莫言

送張郎中赴睦州

青山復綠水想入富春西夾岸清猿去中流白
日低英兼華省出榮共故鄉齊賤子遙攀送歸

心逐馬蹄

送鄂渚韋尚書赴鎮

夏口本吳頭重城據上游戈船轉江漢風月宿
汀洲執憲傾民望銜恩赴主憂誰知舊寮屬攀
餞淚仍流

送崔侍御書記赴濟北座主尚書招辟

管記向丘門旌幢夾谷尊從來遊幕意此去并
酬恩鴈叫嫌冰合驄嘶喜雪繁同於入室仕不
覺別銷魂

入朝遇雪

霜鬢持霜簡朝天向雪天玉階初辨色瓊樹乍
相鮮密翳空難曙盈徵瑞不愆誰爲洛陽客是
日更高眠

勉力

日月不並照升沉俱有時自媒徒欲速孤立却
宜遲盡力唯求己公心任遇誰人間不得意半
是墳先哀

郊居寄友人

村色樹還曛何時得見君獨居度永日相去遠
浮雲故疾隨秋至離懷覺夜分蛩聲非自苦偏

是旅人聞

送陸肱歸吳興

雪後江上去風光故國新清渾天氣曉綠動浪
花春勸酒提壺鳥乘舟震澤人誰知滄海月取
桂却來秦

暮秋重過山僧院

却接涼宵坐明河幾轉流安禪逢小暑抱疾入
高秋靜室聞玄理深山寄白頭朝朝獻林果亦
欲學獼猴

送新安少府

南浮雖六月風水已秋涼
目亂看江樹身飛逐楚檣
後期誰可定臨別語空長
遠宦須清苦幽蘭貴獨芳

送人歸吳

何人不歸去君去是閑人
帝里求相識家山即近鄰
文情吾道古離思柳條新
去飲青門酒先如醉夢身

送姚評事

儒服從戎去須知勝事全
使君開幕日天子偃戈年
風雨依嵩嶺桑麻接楚田
新詩隨過客旋

滿洛陽傳

題棲雲寺丘上人院

是法從生有脩持歷劫塵
獨居崑下石長似定中身
樹老風終夜山寒雪見春
不知諸祖後傳印自何人

後四句與棲雲寺上人院同

黔中罷職過峽州題田使君北樓

巴中初去日已遇使君留
及得尋東道還陪上北樓
江衝巫峽出檣過洛宮收
好是從戎罷看山覺自由

江上送從兄羣玉枚書東遊

逍遙蓬閣吏才子復詩流墳籍因窮覽江湖却
縱遊眠波聽戍鼓飯浦約漁舟處處迎高密先
應掃郡樓

宛陵東峰亭與友人話別

坐舉天涯目停盃語日晡脩篁齊迥檻列岫限
平蕪亂水通三楚歸帆掛五湖不知從此去何
處是前途

華山尋隱者

自入華山居關東相見疎瓢中誰寄酒葉上我
留書巢鳥寒棲盡潭泉暮凍餘長聞得藥力此

未聯同以尋華山隱者

說又何如

題薦福寺棲白上人院

空門有才子得道亦吟詩內殿頗微入孤峰久
作期高名何代比密行幾生持長愛喬松院清
涼坐夏時

遊四明山劉樊二真人祠題山下孫氏居

久在仙壇下全家是地仙池塘來乳洞禾黍接
芝田起看青山足還傾白酒眠不知塵世事雙
鬢逐流年

和太學趙鴻博士歸蔡中

得祿從高第還鄉見後生田園休問王詞賦已
垂名掃壁前題出開窓舊景清遙知賢太守致
席日邀迎

送壽昌曹明府

惠人須宰邑爲政貴通經却用清琴理猶嫌薄
俗聽漲江晴漸綠春嶠燒還青若宿嚴陵瀨誰
當是客星

哭賈島

秦樓吟苦夜南望只悲君一宦終遐徼千山隔
旅墳恨聲流蜀魄冤氣入湘雲無限風騷句時

來日下聞

送薛能赴鎮徐方

列土人間盛彭門屬九州山河天設險禮樂牧
分憂皎日爲明信清風占早秋雖同郤縠舉郤
縠不封侯

送鳳翔范書記

西京無暑氣夏景似清秋天府來相辟萬人去
自由江山通蜀國日月近神州若共將軍語河
蘭地未收

岐山逢峽下故人

三秦一會面二峽兩分攜共憶黃河北相留白
日西寄來書少達別後夢多迷早晚期於此看
花聽鳥啼

送友人陸肱往太原

并州非故國君去復尋誰
獫狁方爲寇嫖姚正
用師戍樓來有號邊雪下無時更想經綿上應
逢禁火期

贈李將軍

吾宗偏好武漢代將家流走馬辭中禁屯軍向
渭州天心待破虜陣面許封侯却得河源水方

應洗國讐

送友人陸坦之任睦州

一作送人
歸新定

歸心常共知歸路不相隨彼此無依倚東西又
別離山花含雨濕江樹近潮欹莫見魚樵興人
生各有誰一作期

尋華陽隱者

閑却白雲居行蹤出去初窻中聊取筆架上獨
留書日背林光冷潭澄嶽影虛長聞得藥力此
說復何如此題重出
末二句同

長安即事

一作長安
辭居酬人

豈得有書名徒爲老帝京關中秋氣早雨後夜
涼生滄海身終泛青門夢已行秦人縱相識多
少別離情一作吟君一句
意又見故人情

送友人遊塞北

朔野正秋風前程見磧鴻日西身獨遠山轉路
無窮樹隔高關斷沙連大漠空君看河外將早
晚擬平戎

陝府上姚中丞

關東領藩鎮闕下授旌旄覓句秋吟苦酬恩夜
坐勞天開吹角出木落上樓高閑話錢塘郡半

年聽海濤

送供奉喻鍊師歸天目山

承恩雖內殿得道本深山舉世相看老孤峰獨
自還溪來青壁裏路在白雲間絕頂無人往雙
峰是舊關

之任建安綠溪亭偶作二首

入境當春務農蠶事正殷逢溪難飲馬度嶺更
勞人想取烝黎秦無過賦斂均不知成政後誰
是得爲鄰

維舟綠溪岸繞郡白雲峰將幕連山起人家向

一作上馬問雲中
長風送北風

水重短才無獨見長策未相逢所幸分堯理烝
民悉可封

送侯郎中任新定二首

爲郎非白頭作牧授滄洲江界乘潮入山川值
勝遊暑風隨轉扇涼月傍開樓便欲歸田里拋
官逐隱侯

罷郎東出守半路得浮舟大旆行當夏桐江到
未秋雲閑分島寺濤靜見沙鷗誰伴臨清景吟
詩上郡樓

送太學吳康仁及第南歸

因爲太學選志業徹春闈首領諸生出先登上
第歸一榮猶未已具慶且應稀縱馬行青草臨
岐脫白衣家遙楚國寄帆對漢山飛知己盈華
省看君再發機

陝州題河上亭

岸擁洪流急亭開清興長當軒河草晚入座水
風涼獨鳥驚來客孤雲觸去檣秋聲和遠雨暮
色帶微陽浪靜澄窻影沙明發簟光逍遙每盡
日誰識愛滄浪

留題姚氏山齋

未厭棲林趣猶懷濟世才閑眠知道在高步會
時來露滴從添硯蟬吟便送盃亂書離縹帙迸
笋出莓苔異果因僧摘幽窓爲燕開春遊何處
盡欲別幾遲迴

長安書懷投知己

一作投
邢自外

所學近雕蟲知難謁至公徒隨衆人後擬老一
生中間歲家書到經荒世業空心懸滄海斷夢
與白雲通玉漏聲連北銀河氣極東關門迢遞
月禁苑寂寥鴻地廣身難束時平道獨窮蕭條
苔長雨浙瀝葉危風久戀干朝客多慙別釣翁

一作拜投何敢怒
言裝為曾蒙

因依非不忝延薦況曾蒙與善應無替垂恩本
有終霜天搖落日莫使逐孤蓬

送姚侍御充渭北掌書記

北境烽煙急南山戰伐頻撫綏初易帥參畫盡
須人書記才偏稱朝廷意更親繡衣行李日綺
陌別離塵報國將臨虜之藩不離秦豸冠嚴在
首雄筆健隨身飲馬河聲暮休兵塞色春敗亡
仍暴骨冤哭可傷神上策何當用邊情此是真
雕陰曾久客拜送欲沾巾

長安書情投知己

陝服因詩句從容已半年一從歸闕下罕得到
門前每候朝軒出常看列宿懸重投期見獎數
首果蒙傳轉覺功宜倍兼今任更堅都忘春暫
醉少省夜曾眠煩暑燈誰讀孤寒業自專精華
搜未竭騷雅琢須全此事勤雖過他謀拙莫先
槐街勞白日桂路在青天取第殊無序還鄉可
有緣旅情長越鳥秋思幾秦蟬月色千樓滿砧
聲萬井連江山阻迢遞時節暗推遷道即窮通
守才應始末憐書紳相戒語藏篋贈行篇致王
當齊聖爲郎本是仙人心期際會鳳翼語遷延

畢竟良圖在何妨逸性便幽齋中寢覺珍木正
陰圓隱几閑瞻彼臨雲興渺然五陵供麗景六
義動花牋儻與潛生翼寧非助化權免教垂素
髮歸種海隅田

府試丹浦非樂戰

自古爲君道垂衣致理難懷仁須去殺用武即
勝殘毒熾誅方及兵臨釁可觀居來彭蠡固戰
罷洞庭寬雪國知天遠霜林是血丹吾皇則堯
典薄伐至桑乾

府試風雨聞雞

不爲風雨變雞德一何貞在暗長先覺臨晨即
自鳴陰靈方見信頃刻詎移聲向晦如相警知
時似獨清蕭蕭和斷漏喔喔報重城欲識詩人
興中含君子情

府試觀蘭亭圖

往會人何處遺蹤事可觀林亭今日在草木古
春殘筆想吟中駐盃疑飲後乾向青穿峻嶺當
白認迴湍月影窻間夜湖光枕上寒不知詩酒
客誰更慕前歡

府試老人星見

良宵出戶庭極日向青冥海內逢康日天邊見
壽星臨空遙的的竟曉獨熒熒春後先依景秋
來忽近丁垂休臨有道作瑞掩前經豈比周王
夢徒言得九齡

省試振鷺

有鳥生江浦霜華作羽翰君臣將比潔朝野共
相歡月影林梢下冰光水際殘翻飛時共樂飲
啄道皆安迴翥宜高詠羣棲入靜看由來鴛鷺
侶濟濟列千官

寄辛明府

何處無苛政東南有子男細將朝客說須是邑
人諳別業空經稔歸田獨未甘日凝煙積樹心
貯月明潭曉鼓愁方亂春山睡正酣不任啼鳥
思鄉社欲桑蠶

苑中題友人林亭

井邑藏岳穴幽棲趣若何春篁抽笋密夏鳥雜
雛多座有清風至林無暑氣過亂書還就葉真
飲不聽歌片影明紅蘚新陰映綠蘿雄文終可
惜莫便棄高科

投京兆府試官任文學先輩

高興每論詩非才獨見推應當明試日不比暗
投時出口人皆信操心自可知孤單雖有托際
會別無期取舍由知己窮通斷在茲賤身何足
數公道自難欺澤國違甘旨漁舟積夢思長安
未歸去爲倚鑿妍媸

宋少府東溪泛舟

登岸還入舟水禽驚笑語晚葉低衆色濕雲帶
繁暑落日乘醉歸溪流復何許

聞北虜入靈州二首

河冰一夜合虜騎入一作滿靈州歲歲徵兵去難防

塞草秋

見說靈州戰沙中血未乾將軍日告急走馬向
長安

送友人下第歸感懷

帝里春無意歸山對物華即應來日去九陌躡
槐花

寄舊友西乾耕隱童先輩

種竹參差長栽松次第成戎衣徧江漢未厭子
真耕

贈桂林友人

君家桂林住日伐桂枝炊何事東堂樹年年待
一枝

長安感懷

一第知何日全家待此身空將灞陵酒酌送向
東人

題長孫桐樹

一去龍門側千年鳳影移空餘翦圭處無復在
孫枝

渡漢江

嶺外音書絕經年復歷春近鄉情更怯不敢問

來人

嵩山夜還

家住東臯去下好採舊山薇
自省遊泉石何曾不
夜歸

梨岳集

乙卯十一月十五日校李鈔本訖并補詩三首 增湘

梨岳集補遺

傅增湘手錄

暮秋宿清源上人院

野客愁來日山房木落中
微風生夜半積雨向
秋終證道方離法安禪
不住空迷途將覺路語
默見東西

下第後屏居書懷寄張侍御

刑足豈一生良工隔千里
故山彭澤上歸夢向
汾水低推神氣盡僮僕心
亦恥未達誰不知達
者多忘此行年忽已壯
去老年更幾功名如不
彰身歿豈為鬼纔看芳草
歇即歎涼風起驄馬

來心

嵩山夜還

家住東臯下去好採舊山薇
自省遊泉石何曾不
夜歸

梨岳集

乙卯十一月十五日校李鈔本訖并補詩三首增湘

梨岳集補遺

傅增湘手錄

暮秋宿清源上人院

野客愁來日山房木落中
微風生夜半積雨向
秋終證道方離法安禪
不住空迷途將覺路語
默見東西

下第後屏居書懷寄張侍御

刑足豈一生良工隔千里
故山彭澤上歸夢向
汾水低推神氣盡僮僕心
亦恥未達誰不知達
者多忘此行年忽已壯
去老年更幾功名如不
彰身歿豈為鬼纔看芳草
歇即歎涼風起驄馬

未來朝嘶聲尚在耳

答韓中丞容不飲酒

老大成名仍足病強聽絲竹亦無歡高情太守
容閑坐借與青山盡日看

項斯詩集序

南 譙 張 洎 述

項斯字子遷江東人也會昌四年左僕射王起
下進士及第始命潤州丹徒縣尉卒於任所吳
中張水部爲律格詩尤工於匠物字清意遠不
涉舊體天下莫能窺其奧唯朱慶餘一人親授
其旨沿流而下則有任蕃陳標章孝標倪勝司
空圖等咸及門焉寶曆開成之際君聲價籍甚
時特爲水部之所知賞故其詩格頗與水部相
類詞清妙而句美麗竒絕蓋得於意表迨非常

未來朝嘶聲尚在耳

答韓中丞容不飲酒

老大成名仍足病強聽絲竹亦無歡高情太守
容閑坐借與青山盡日看

項斯詩集序

南 譙 張 洎 述

項斯字子遷江東人也會昌四年左僕射王起
下進士及第始命潤州丹徒縣尉卒於任所吳
中張水部爲律格詩尤工於匠物字清意遠不
涉舊體天下莫能窺其奧唯朱慶餘一人親授
其旨沿流而下則有任蕃陳標章孝標倪勝司
空圖等咸及門焉寶曆開成之際君聲價籍甚
時特爲水部之所知賞故其詩格頗與水部相
類詞清妙而句美麗竒絕蓋得於意表迨非常

情所及故鄭少師薰云項斯逢水部誰道不關
情又楊祭酒敬之云幾度見詩詩摠好及觀標
格過於詩平生不解藏人善到處逢人說項斯
自僖昭已還雅道陵缺君之遺句絕無知者慮
年祀漫久沒而不傳故聊序所云著于卷首

項斯詩集

寄石橋僧

逢師入山日道在石橋邊別後何一作無人見秋來
幾處禪溪中雲隔寺夜半雪一作雨添泉生有天
台約知無却出緣

送歐陽袞歸閩中

秦城幾年住猶着故鄉衣失意時相識一作曾成名後
獨歸海秋蠻樹黑嶺夜瘴禽飛爲學心難滿知
君更掩扉

古觀

置觀碑已折看松年不分洞中誰識藥門外日
添墳放去龜隨水呼來鹿怕薰壇邊見灰火幾
燒祭星文

題令狐處士谿居

白髮已過半無心離此溪病嘗山藥偏貧起草
堂低爲月窻從破因詩壁重泥近來常夜坐寂
寞與僧齊

送僧歸南嶽

心知衡嶽路不怕去人稀船裏誰鳴磬沙頭自
曝衣有家從小別是寺即言歸料得逢春住當

禪雲滿扉

寧州春思

失意離城早邊城任見花初爲斷酒客舊識賣
書家寒寺稀無雪春風亦有沙思歸頻入夢即
路不言賒

山友贈蘇花冠

塵汗出華髮慚君青蘇冠此身閑未得終日戴
應難好就松陰掛宜當枕石看會須尋道士簪
去繞霜壇

蠻家

項集詩集
領得賣珠錢還歸銅柱邊看兒調小象打鼓試
新船醉後眠神樹耕時語瘴煙不逢寒便老相
問莫知年

早春題湖上顧氏新居二首

近得水雲看門長侵早開到時微有雪行處又
無苔勸酒客初醉留茶僧未來每逢晴暖日唯
見乞花栽

門不當官道行人到亦稀故從餐後出方至夜
深歸開篋陳書卷掃床移褐衣幾時同買宅相
近有些扉

蒼梧雲氣

何年化作愁漠漠便難收數點山能遠平鋪水
不流濕連湘竹暮濃蓋舜墳秋亦有思歸客看
來盡白頭

晚春花

陰洞日先薄花開不及時當春無半樹經燒足
空枝踈與香風會細將泉影移此中人到少開
盡幾人知

宿胡氏溪亭

獨住水聲裏有亭無熱時客來因月宿牀勢向

山移鶴睡松枝定螢歸葛葉垂寂寥猶欠伴誰
爲報僧知

送華陰隱者

往往到城市得非徵藥錢世人空識面弟子莫
知年自說能醫死相期更學仙近來移住處毛
女舊峯前

落第後寄江南親友

古巷槐陰合愁多晝掩扉獨存過江馬強拂看
花衣送客心先醉尋僧夜不歸龍鍾易惆悵莫
道寄書稀

欲別

花時人欲別每日醉櫻桃買酒金錢盡彈箏玉
指勞歸期無歲月客路有波濤錦段裁衣贈麒
麟落剪刀

留別張郎中

省中重拜別兼領寄人書已念此行遠不應相
問踈子城西並宅御水北同渠要取春前到乘
閑候起居

小古鏡

字已無人識唯應記鑄年見來深似水攜去重

於錢鸞翅巢空月菱花徧小天宮中照黃帝曾
得化爲仙

題太白山隱者

高居在幽嶺人得見時稀寫錄局虛白尋僧到
翠微掃壇星下宿收藥雨中歸從服小還後自
疑身解飛

病中懷王展先輩在天台

枕上用心靜唯應改舊詩強行休去早暫卧起
還遲因說來歸處却愁初病時赤城山下寺無
計得相隨

鯉魚

似龍鱗又足只是欠登門月裏腮猶濕泥中目
未昏乞鋤防蟻穴望水寫金盆他日能爲雨公
田報此恩

子規

一作鷓鴣詩

遊魂自相叫寧復記前身飛過人家月聲連客
路春夢邊催曉急愁外送風頻自有霑花血相
和露滴新

邊州客舍

開門不成出麥色徧前坡自小詩名在如今白

髮多經年無越信終日厭蕃歌近寺居僧少春
來亦懶過

贈道者

晏來知養氣度日語時稀到處留丹井一作開終寒不
絮衣病鄉多惠藥鬼俗有符威自說身輕健今
年數夢飛

邊游

古鎮門前去長安路在東天寒明堠火日晚裂
旗風塞館皆無事一作儒袞亦有弓防秋故鄉卒暫
喜語音同

一作天晴槐葉霧
日暮葦花風

夜泊淮陰

夜入楚家煙煙中人未眠望來淮岸盡坐到酒
樓前燈影半臨水箏聲多在船乘流向東去別
此易經年

遠水

渺渺浸天色一邊生晚光一作闊浮萍思遠寒入鴈
愁長北極連平地東流即故鄉扁舟來宿處一作髣
髴似瀟湘

黃州暮愁

凌澌衝淚眼重疊自西來即夜寒應合非春凍一作

不開豈無登陸計
宜棄濟川材
願寄浮天外
高風萬里回

曉發昭應

行人見雪愁
初作帝鄉游
旅店開偏早
鄉帆去未收
燈殘催卷席
手冷怕梳頭
是物寒無色
湯泉正自流

贈金州姚合使君

爲郎名更重
領郡是蹉跎
官壁題詩盡
衙庭看鶴多
城池連草澗
籬落帶椒坡
未覺旗幡貴
閑行觸處過

送殷中丞遊邊

話別無長夜
燈前聞曙鷄
已行難避雪
何處合逢花
野寺門多閉
羌樓酒不賒
還須見邊將
誰擬靜塵沙

寄坐夏僧

坐夏月偏長
知師在律堂
多因束帶熱
更憶剃頭涼
苔色侵經架
松陰到簟牀
還應煉詩句
借卧石池傍

寄盧式

到處人南望
未知何日回
寄書頻到海
得夢忽

聞雷嶺日當秋暗蠻花近臘開白身居瘴癘誰
不惜君才

日東病僧

雲水絕歸路來時風送船不言身後事猶坐病
中禪深壁藏燈影空窓出艾煙已無鄉土信起
塔寺門前

一作要知人是客
白日指生緣

泛溪

溪船泛渺瀰漸覺減炎輝動水花連影逢人鳥
背飛深猶見白石涼好換生衣未得多詩句終
須隔宿歸

一作溪舟泛數里
便覺少矣

送顧少府

一作送顧逢
尉永康

作尉年猶少無辭去路賒漁舟縣前泊山吏日
高衙幽景臨溪寺秋蟬織杼家行程須過越先
醉鏡湖花

咸陽別李處士

古道自迢迢咸陽離別橋越人聞水處秦樹帶
霜朝駐馬言難盡分程望易遙秋前未相見此
意轉蕭條

寄流人

毒草不曾枯長添客健無霧開蠻市合船散海

城孤象跡頻藏齒龍涎遠蔽珠家人秦地老泣
對日南圖

華頂道者

仙人掌中住生有上天期已廢燒丹處猶多種
杏時養龍於淺水寄鶴在高枝得道復無事相
逢盡日碁

謝從叔聽夜泉見寄

夢罷更開戶寒泉聲隔雲共誰尋最遠獨自坐
偏聞巖際和風滴溪中浸月分豈知當此夜流
念到江濱

和李用夫栽小松

移來未換葉已勝在空一作深山靜對心標直遙吟
境助閑影侵殘雪際聲透小窻間即聳凌空幹
脩脩豈易攀

哭南流人

遙見南來使江頭哭問君臨終時有雪旅墓處
無雲官庫空收劍蠻僧共起墳知名人尚少誰
爲錄遺文

經李白墓

夜郎歸未老醉死此江邊葬闌官家禮詩殘樂

府篇遊魂應到蜀小碣豈旌賢身沒猶何罪遺
墳野火燃

春夜樊川竹亭陪諸同年讌

相知皆是舊每恨獨遊頻幸此同芳夕寧辭倒
醉身燈光遙映燭萼粉暗飄茵明月分歸騎重
來更幾春

送僧

靈山巡未遍不作住持心逢寺暫投宿是山皆
獨尋有時過靜界在處想空林從小即行脚出
家來至今

送蘇處士歸西山

南遊何所爲一篋又空歸守道安清世無心換
白衣深林蟬噪暮絕頂客來稀早晚重相見論
詩更及微

遊爛柯山

步步出塵氛溪山別是春壇邊時過鶴碁處寂
無人訪古碑多缺探幽路不真翻疑歸去晚清
世累移晨

送友人知永嘉

長貧知不易去計擬何逃相對人愁別經過幾

平期詩集
處勞城連沙岫遠山斷夏雲高猶想成詩處秋
燈半照濤

巴中逢故人

勞思空積歲偶會更無由以分難相捨將行且
暫留路岐何處極江峽半猿愁到此分南北離
懷豈易收

送歸江州友人初下第

一作送友
人下第歸

名高不俟召收採獻君門偶屈應緣數他人盡
爲寬新春城外路舊隱水邊村歸去無勞久知
君更待論

舜城懷古

禪禹遜堯聰巍巍盛此中四隅咸啟聖萬古賴
成功道德去彌遠山河勢不窮停車一再拜帝
業即今同

送劉道士之成都嚴真觀

嚴公通老子
易以成道

嚴君名不朽道出二經中歸去精誠懇還應夢
寐通池臺鏡定月松檜雨餘風想到靈玄憶人
間戀苦空

漢南遇友人

此身西復東何計此相逢夢盡吳越水恨深襄

漢鐘積雲開去路曙雪疊前峯誰即知非舊憐
君忽見容

遊頭陀寺上方

高步陟崔嵬吟閑路惜迴寺知何代有僧見梵
天來暮靄連沙積餘霞遍檻開更期招靜者長
嘯上南臺

送友人遊河東

停車曉燭前一語幾潸然路去干戈日鄉遥饑
饑年湖波清見鴈槐驛晚無蟬莫縱經時住東
南書信偏

中秋夜懷

趨馳早晚休一歲又殘秋若只如今日何難致
白頭滄波歸處遠旅食向邊愁賴見前賢說窮
通不自由

寄富春孫路處士

平生醉與吟誰是見君心上國一歸去滄江閑
至今鍾繁秋寺近峯闊晚濤深踈放長如此何
人長得尋

送客歸新羅

君家滄海外一別見何因風土雖知教程途自

致貧浸天波色晚橫笛鳥行春明發千檣下應
無更遠人

杭州江亭留題登眺

處處日馳銷憑軒夕似朝漁翁閑鼓棹沙鳥戲
迎潮樹間津亭密城連塢寺遙因誰報隱者自
此得耕樵

荊州夜與友親相遇

山海兩分岐停舟偶似期別來何限意相見却
無辭坐永神凝夢愁繁鬢欲絲趨名易遲晚此
去莫經時

送友人遊邊

方春到帝京有戀有愁并萬里江海思半年沙
塞程綠陰斜向驛殘照遠侵城自可資新課還
期振盛名

題贈宣州亢拾遺

傳騎一何催山門晝未開高人終避世聖主不
遺才坐次歌臨水閑中獨舉杯誰爲旦夕侶深
寺數僧來

姚氏池亭

池館饒嘉致幽人愜所閑篠風能動浪岸樹不

遮山嘯檻魚驚鵝後眠窓鶴語間何須說廬阜深處更躋攀

送友人之江南

東南路苦辛去路見無因萬里此相送故交誰更親日浮汀草綠煙霽海山春握手無別贈爲予書札頻

彭蠡湖春望

湖亭東極望遠棹不須迴遍草新湖落連天衆鴈來蘆洲殘照盡雲障積煙開更想鴟夷子扁舟安在哉

聞友人會裴明府縣樓

閑閣雨吹塵陶家揖上賓湖山萬疊翠門樹一行春景遍歸簷燕歌喧已醉身登臨興不足喜有數來因

歸家山行

獻賦才何拙經時不恥歸能知此意是甘取衆人非遍隴耕無圃綠溪釣有磯此懷難自遣期在振儒衣

長安書懷呈知己

江湖歸不易京邑計長貧獨夜有知己論心無

故人一燈愁裏夢九陌病中春爲問清中日無
門致出身

聞蟬

動葉復驚鶯神聲聲斷續勻坐同來聽者俱是未
歸人一棹三湘浪單車二蜀塵傷秋各有日千
可念因循

李處士道院南樓

霜晚復秋殘樓明近遠山滿壺邀我醉一榻爲
僧閑樹簇孤燈眇帆欹積浪間從容更南望殊
欲外人窺

送顧非熊及第歸茅山

吟詩三十載成此一名難自有恩門入全無帝
里歡湖光愁裏碧巖景夢中寒到後松杉月何
人共曉看

春日題李中丞樊川別墅

心知受恩地到此亦徘徊上路移時立中軒隔
宿來川光通沼沚寺影帶樓臺無限成蹊樹花
多向客開

龍州與韓將軍夜會

庭綠草纖纖邊州白露沾別歌綠劍起客淚是

愁添見月鵲啼樹遇風雲滿簾將軍盡尊酒樓
上賦星占

途中逢友人

長大有南北山川各所之相逢孤館夜共憶少
年時爛醉百花酒狂題幾首詩來朝又分袂後
會鬢負應絲

送友人下第歸襄陽

失意已春殘歸愁與別難山分關路細江遶夜
城寒草色連晴坂鼉聲離曉灘差池是秋賦何
以暫懷安

宿山寺

栗葉重重覆翠微黃昏溪上語人稀月明半寺
客初到風度閑門僧未歸山果經霜多自落水
螢穿竹不停飛中宵能得幾時睡又被鐘聲催
著衣

病鶴

青雲有意力猶微豈料低回得所依幸念翅因
風雨困豈教身陷稻梁肥曾遊碧落寧無侶見
有清池不忍飛縱使他年引仙駕主人恩在亦
應歸

夢仙

昨宵寃夢到仙津得見蓬山不死人雲葉許裁
成野服玉漿教喫潤愁身紅樓近月宜寒水綠
杏搖風占古春次第引看行不遍浮光牽入世
間塵

古扇

昨日裁成奪夏威忽逢秋節便相違寒塵妬盡
秦王女涼殿恩隨漢主妃似月舊臨紅粉面有
風休動麝香衣千年蕭瑟關人事莫語當時掩
淚歸

涇州聽張處士彈琴

邊州獨夜正思鄉君又彈琴在客堂髮髻不離
燈影外似聞流水到瀟湘

贈別

魚在深泉鳥在雲從來只得影相親他時縱有
逢君處應作人間白髮身

對鱸

行到鱸魚鄉裏時鱸盤如雪怕風吹猶憐醉裏
江南路馬上垂鞭學釣時

憶朝陽峯前居

每憶閑眠處朝陽最上峯溪僧來自遠林路出
無蹤敗褐粘苔遍新題出石重霞光侵曙發嵐
翠近遂秋濃健羨機能破安危道不逢雪殘猿到
閣庭午鶴離松此地虛爲別人間久未容何時
無一事却去養踈慵

暮上瞿唐峽

自古艱難地孤舟旦暮程獨愁空託命省已是
輕生有樹皆相倚無巖不倒傾蛟螭波數怒鬼
怪火潛明履道知無負離心要自要驚何年面骨
肉細話苦辛行

和李中丞醉中期王徵君月夜同遊瀍

水舊居

醉後情俱遠難忘素澹間照花深處月當戶舊
時山事想同清話歡期一破顏風流還愛竹此
夜尚思閑

濁水求珠

靈魄自沉浮從來任濁流願從深處得不向暗
中投圓月時堪惜滄波路可求沙尋龍窟遠泥
訪蚌津幽是寶終知貴唯恩且用酬如能在公
掌的不負明眸

江村夜泊

日落江路黑前村人路稀幾家深處裏一犬夜
漁歸

落第後歸觀喜逢僧再陽

相逢須強笑人世別離頻去曉長侵月歸鄉動
隔春見僧心暫靜從俗事多屯宇宙詩名小山
河客路新翠桐猶入鬢青鏡未離塵逸足常思
驥隨羣且退鱗宴乖紅杏寺愁在綠楊津羞病
難爲藥開眉懶顧人

送越僧元瑞

靜中無伴侶今亦獨隨緣昨夜離寶室焚香淨
去船

舊宮人

自出先皇玉殿中衣裳不更染深紅宮釵折盡
垂空鬢內扇穿多減半風桃熟亦曾君手賜酒
闌猶候妾歌終如今還向城邊住御水東流意
不通

夢游仙

夢游飛上天家樓珠箔當風掛玉鈎鸚鵡隔簾
呼再拜水仙移鏡懶梳頭丹霞不是人間曉碧

樹仍逢岫外秋將謂便長於此地雞聲入耳所
堪愁

送宮人入道

願隨仙女董雙成王母前頭作伴行初戴玉冠
多悞拜欲辭金殿別稱名將敲碧落新齋磬却
進昭陽舊賜箏旦暮焚香繞壇上步虛猶作按
歌聲

長安退將

塞外衝沙損眼明歸來養病住秦京上高樓閣
看星坐著白衣裳把劍行常說老身思鬪將最

悲無力制蕃營翠眉紅臉和回鶻惆悵中原不
用兵

遙裝夜

卷席貧拋壁下床且鋪他處對燈光欲行千里
從今夜猶惜殘春發故鄉蚊蚋已生團扇急衣
裳未了剪刀忙誰知更有芙蓉浦南去令人愁
思長

送苗七求職

相逢未得三回笑風送離情入剪刀客路最能
銷日月夢魂空自畏波濤獨眠秋夜琴聲急未

拜軍城劍色高去去綠多山與海鶴身寧肯為
飛勞

山行一作山中作

青櫪林深亦有人一渠流水數家分山當日午
回峯影草帶泥痕過鹿羣蒸茗氣從茅舍出綠
絲聲隔竹籬聞行逢賣藥歸來客不惜相隨入

島雲

題永新寺影堂

不遇脩寺日無錢入影堂故東空禮拜去重本香僧得名難辨近燈傳火已

長發心依止後借注有辨房
就合孤相公時相公郊廬行事迴一作古干
雞在御雲水在空代天才草本訂謀崇同伊少時朱戶看比玉商入畫圖昨夜星
張新詩集
乙卯十一月十日校書本補詩三首阮林記

段成式詩

太常少卿 段 成式 柯古

武宗癸亥三年夏予與張君希復善繼同
官秘書鄭君符夢復連職仙局會暇日遊
大興善寺因問兩京雜記及遊日記多所
遺略乃約一旬尋兩寺以街東興善為首
二紀所不具到則別錄之遊及慈恩初知
官將併寺僧眾草草乃泛問一二上人及
記塔下畫跡遊於此遂絕後三年予職於
京洛及刺安成至大中七年歸京在外六

甲子所留書籍搨壞居半於故簡中觀與
二亡友遊寺瀝血淚交當時造適樂事邈
不可追復方刊整纔足續穿盡然十七五
六矣

靖恭坊大興善寺寺取大興兩字坊名一字爲
名新記云優填像總章初爲火所燒據梁時
西域優填在荊州言隋自臺城移來此寺非
也今又有旃檀像開目其工頗拙尤差謬矣
○不空三藏塔前多老松歲旱則官伐其枝
爲龍骨以祈雨蓋三藏役龍意其木必有靈

也○東廊之南素和尚院庭有紫桐四株素
之手植元和中卿相遊此院桐至夏有汗汗
人衣如軸脂不可澣相國東門鄭相嘗與丞
相數人避暑惡其汗謂素曰弟子爲和尚伐
此木各植一松也及暮素戲祝木曰我植汝
二十餘年汝以汗爲人所惡來歲若復有汗
我必薪汝自是無汗寶曆末予見說已十五
餘年無汗矣素公不出院轉法華經三萬七
千部夜常有貉子聽經齋時烏鵲就掌取食
長慶初庭前牡丹一朵合歡有僧玄幽題此

院詩警言句三萬蓮經三十春半生不踏院門
塵○左顧蛤像舊傳云隋帝嗜蛤所食必兼
蛤味數逾千萬矣忽有一蛤椎擊如舊帝異
之寘諸几上一夜有光及明肉自脫中有一
佛二菩薩像帝悲悔誓不食蛤

非陳宣帝連二十字絕句 柯古

有松堪繫馬遇鉢更投針記得湯師句高禪助
朗吟

善繼

乘晴入精舍語默想東林盡是忘機侶誰驚

息影禽

夢復

一雨微塵盡支郎許數過方同嗅蒼荀不用
算多羅

蛤像連二十字絕句 柯古

相好全如梵端倪祇爲隋寧同蚌頑惡但與鷓
相持

善繼

雖因雀變化不逐月虧盈縱有天中匠神工
詎可成

聖柱連句

上有鐵索跡

天心惟逐善聖跡此開陽

柯載恐

一作雷輪重組

疑紀事

作疑雷索長

善繼

上衝挾

一作扶

蟠竦不動束銀鐙

柯古

饑鳥未曾啄乖龍寧敢藏

善繼

長樂坊安國寺紅樓睿宗在藩時舞榭東禪院

亦曰木塔院院門西北廊五壁吳道子弟子

釋思道畫釋梵八部不施彩色尚有典刑○

禪師法堂影堂世號吉州空者久養一騾將

終鳴走而死有弟子允

元

嵩患風常於空室

埋一柱鑱之僧難輒愈○佛殿開元初玄宗

拆寢室施之當陽彌勒法空自光明寺移來

建都時此像在村蘭若中往往放光因號光

明寺寺在懷遠坊後為延火所燒唯像獨存

法空初移像時索大如虎口數十牛曳之索

斷不動法空執爐依法作禮九拜泣涕發誓

像身忽曝曝作聲身迸分為數十段不終日

移至寺焉○利涉塑堂元和中取其處聖容

院遷像廡下上忽夢一僧形容奇偉訴曰暴

露數日豈聖君意耶及明為幸驗問如夢即

令移就堂中側施帷帳安光明寺中鬼子母

及文惠太子塑像舉止態度如生工名李岫
○山庭院古木崇阜幽若山谷當時輦土營
之○上座璘公院有穗栢一株徧柯覆下坐
十餘人

紅樓連句 隱侯體

重疊碎晴空餘霞更助紅蟬蹤近鳩鵲鳥道接

相風 繼 苔靜金輪路雲輕白日宮 元和帝幸此宮 壁詩傳

謝客 詞人陳至題此院詩云藻井尚寒龍跡在紅樓初起日光通 門榜占休公 廣宣上人住此院有詩名時號為紅樓集

穗栢連句

院暑難侵莓苔可影深標枝爭息鳥餘吹正

開襟 柯 宿雨香添色殘陽石在陰乘閑動詩意
助靜入禪心 繼

題璘公院 口平七口每人占而題

靜虛熱際安居 夢 龕燈斂印香除東林賓客西

澗圖書簷外垂青豆經中發白菜縱辯宗因袞

袞忘言理事如如 柯 泉臺定將入流否鄰笛足

疑清梵餘 柯新度度一傳

常樂坊趙景公寺隋開皇三年置本曰弘善寺

十八年改焉南中三門裏東壁上吳道玄白

畫地獄變筆力勁怒變狀陰怪觀之不覺毛

戴吳畫中得意處三階院西廊下范長壽畫
西方變及十六對觀寶池尤妙絕諦視之覺
水入浮壁院門上白畫樹石頗似閻立德子
攜立德行天祠粉本驗之西中三門裏門南
吳生畫龍及刷天王鬚筆蹟如鐵有執爐天
女竊眸欲語

吳畫連句

慘淡十堵內吳生縱狂跡風雲將逼人神鬼如
脫壁柯其中龍最怪張甲方汗栗黑雲夜窻
窻一作黑夜馬知不霹靂繼此際忽仙子獵獵衣
窻窻時

寫弈妙瞬乍疑生參差奪人魄夢往往乘猛虎
衝梁聳竒石蒼峭東高泉角膝驚歌側柯冥獄
不可視毛戴腋流液苟能水成河剎那沈火宅

題約公院

印火熒熒燈續焰青繼七俱脰呪四阿含經柯
各錄佳語聊事素屏夢丈室安居延賓不扁鼻
人

大同坊雲華寺大曆初僧儼講經天雨花至地
咫尺而滅夜有光燭室勅改為雲華儼即康
藏之師也康本住恭靖里擅曲忽覩光如輪

衆人皆見遂尋光至儼講經所滅佛殿西廊
立高僧一十六身天寶初自南內移來畫蹟
拙俗觀音堂在寺西北隅建中末百姓屈嚴
患瘡且死夢一菩薩摩其瘡曰我住雲華寺
嚴驚覺汗流數日而愈因詣寺尋檢至坐畫
堂見菩薩一如其觀也

偶連句

共入夕陽寺因窺甘露門并上清香惹苔苔鮮忍
草雜蘭蓀夢捷偈飛箱茗新詩倚杖論柯壞幡
標古刹聖畫煥崇垣繼豈慕穿籠鳥難防在隴

猿柯一音唯一性三語更三幡繼

道政坊寶應寺韓幹藍田人少時常爲酒家送
酒王右丞兄弟未遇每貫酒漫遊幹常徵債
於王家乃戲畫地爲人馬右丞精思丹青竒
其意趣乃歲與錢二萬令學畫十餘年今寺
中釋梵天女悉齊公妓小小等寫真也寺有
韓幹畫下生彌勒衣紫袈裟右邊仰面菩薩
及二師子尤入神又有舊鐵石及齊公喪一
歲子漆之如羅睺羅每盆供日出之寺中彌
勒殿齊公寢堂也東廊北面楊岫之畫鬼神

齊公嫌其筆蹟不工故止一宿

僧房連句

古畫思匡嶺上方疑傳嵒蝶閑移忍草蟬曉揭
高杉柯香字消芝印金經發菡函井通松底脉
書坼洞中緘繼

小小寫真連句

如生小小真猶自未棲塵夢褊袂將離座斜柯
欲近人柯昔時知出衆情清作寵占橫陳繼不遣
遊張巷豈教窺宋隣夢庾樓吹笛裂弘閣賞歌
新蟬怯織一作折腰步蛾驚半額頰繼圖形誰有術

買笑詎辭貧

柯

復隴迷村徑重泉隔漢津

夢同

心知作羽比目定為鱗

繼

殘月巫山夕餘霞洛

浦晨

柯

平康坊菩薩寺佛殿東西障日及諸柱上圖畫
是東廊蹟舊鄭法士畫開元中因屋壞移入
大佛殿內北壁食堂前東壁上吳道玄畫智
度論色偈變偈是吳自題筆蹟遒勁如磔鬼
神毛髮次堵畫禮骨仙人天衣飛揚滿壁風
動佛殿內後壁吳道子畫消災經事樹石古
嶮元和中上欲令移之慮其摧壞乃下詔擇

畫手寫進佛殿內槽壁維摩變舍利佛角
膝而轉元和末俗講僧文淑裝之筆蹟盡矣
故興元鄭公尚書題此壁僧院詩曰但慮彩
色汗無虞臂脾肥置寺碑陰雕飾奇巧相傳
鄭法士所起樣也初會覺上人以利施起宅
十餘畝工畢釀酒百石列瓶甕於兩廊下引
吳道玄觀之因謂曰檀越為我畫以是賞之
吳生嗜酒且利賞欣然而許予以蹤跡似不
及景公寺畫中三門內東門神善繼云是吳
生弟子王耐兒之手也

書事連句

悉為無事者任被俗流憎夢客異干時客僧非
出院僧柯遠聞踈牖磬曉辯密籠一作燈步觸
珠旛響吟窺鉢水澄夢句饒方外趣遊愜社中
朋柯靜裏已馴鴿齋中亦好鷹繼金塗筆是聚
彩溜紙非繒一作罽錫杖已尅鍛田衣從壞膝柯
占牀暫一脇卷箔賴長肱繼佛日初開照魔天
破幾層柯呪中陳秘計論處正先登繼勇帶綻
針石危防丘井藤

宣陽坊奉慈寺開元中號國夫人宅安祿山偽

置百官以田乾貞為京兆尹取此宅為府後
為郭曖駙馬宅今上即位之初太皇太后為
昇平公主追福奏置奉慈寺賜錢二十萬繡
幘三車抽左街十寺僧四十一人居之今有僧
惟則以七寶木摹阿育王舍利塔自明州負
來寺成後二年司農少卿楊敬之小女年十
三以六韻成詩題此寺自稱關西孔子二十
七代孫字德麟警言云日月金輪動旃檀碧
樹秋塔分鴻雁翅鐘掛鳳凰樓事因見勅賜
衣

光宅坊光宅寺本官蒲萄園中禪師影堂師號
惠中肅宗上元二年徵至京師初居此寺詔
云杖錫而來京師非遠齋心已久副朕虛懷
中禪師影堂連句

名下固無虛敖曹貌嚴毅洞達見空王圓融入
佛地繼一言當要害忽忽醒諸醉不動須彌山

一云不動多言一作辯無價夢坦率對萬乘偈答無所

避爾如毘沙門外形如脫履柯但以理為量不

語怪力事木石摧貢高慈悲引令負界上當時

乏支許何人契深致隨宜詎說二且下開不二

柯

翊善坊保壽寺本高力士宅天寶九載捨爲寺
初鑄鐘成力士設齋慶之舉朝畢至一擊百
千有規其意連擊二十杵經藏閣規創危巧
二塔火珠受十餘斛河陽從事李涿性好竒
古與僧智增善嘗俱至此寺觀庫中舊物忽
於破瓮中得物如被幅裂污坌觸而塵起涿
徐視之乃畫也因以州縣圖三及縑三十獲
之令家人裝治之大十餘幅訪於常侍柳公
權方知張萱所畫石橋圖也玄宗賜高力士

因留寺中後爲彌勒畫人宗收言於左軍尋有
小使領宣卒數十人至宅宣勅取之即日進
入先帝好古見之大悅命張於盧韶院寺見
有先天菩薩幀本起成都妙積寺開元初有
尼魏八師者常念大悲咒雙流縣百姓劉乙
意見年十一自欲事魏尼遣之不去常與室
立禪常白魏云先天菩薩見身此地篩灰於
庭一夕有巨跡數尺輪理成就因謁畫二隨
意設色悉不如意有僧楊法成自言能畫意
兒常合掌瞻仰然後指授之以匠十稔五方

就後塑先天菩薩凡二百四十首首如塔執力
分臂如意蔓其膀子有一百四十日鳥樹一
鳳四翅水肚樹所題深怪不可詳悉畫樣凡
十五卷柳七師者崔寧之甥分三卷住上都
流行時魏奉古為長史進之後因四月八日
賜高力士今成都者是其次本

光天幘讚連句

觀音化身厥形古

一作孔

怪脰腦

一作腦

淫厲衆魔膜拜

繼

指夢鴻紛傍列區界其事明張何不可解

柯

閻阿

一作河

德川大士先天衆象參羅福源

一作田田

田田

夢百億花發百千燈燃膠如終澤浩汗連綿

繼

焰摩界戚

一作城

洛迦苦霽正念皈依衆如青黛

柯

戾滓可汰癡膜可蛻稽首如空眸面若睇

繼 闡

提墨師

一作尿

覩而面之寸念不生未遇乎而

柯

宣

陽坊靜域寺本太穆皇后宅僧寺云三階院

門外是神堯皇帝射孔雀處禪門內外遊目

記云王昭隱畫門西裏面和修吉龍王有靈

門外之西大目藥义义及北方天王甚竒猛

門東裏面賢門也野义部落鬼首上蟠蛇汗

煙可懼東廊樹石嶮怪高僧亦怪西廊萬菩

薩院門裏南壁皇甫軫畫鬼神及鷗鷗勢若
脫軫與吳道玄同時吳以其藝逼已募人殺
之萬菩薩堂內有寶塔以小金銅塔數百飭
之大曆中將作劉監有子合手出胎七歲念
法華經及卒焚之得舍利數千粒分藏於金
銅塔中善繼云合是劉銛佛殿東廊有古佛
堂其地本雍村堂中像設悉是石作相傳云
隋恭帝終此堂

惣三階院連句

密密助堂堂隋人歌壓桑雙弧一作鶻摧孔雀一矢

隕貪狼柯百步望雲立九規看月張獲蛟徒破

浪中乙一作漫如墻繼還似貫金鼓更疑穿石梁

因添挽河力為滅射天狂柯絕藝却南牧英聲

來鬼方麗電一作龜何足敵殪死一作豕未為長懲龍臂

勝猿臂星芒超一作起箭芒虛誇絕高鳥垂拱議明

堂柯

崇義坊招福院本曰正覺國初毀之以其地立
第賜王睿宗在藩居之乾封二年移長寧公
主佛殿於此重建此寺

贈諸上人連句

翻了西天偈燒餘梵宇香燃眉愁俗客反一作頰

背殘陽柯州號惟思沃山名祇記匡辨中摧世

智定裏破魔強繼許叡禪心徹湯休詩思長助

吟踈磬斷久語貫珠妨柯乘興書芭葉閑來入

豆房漫題存古壁怪畫匝長廊繼

招國坊崇濟寺寺內有天后織成綾龍披襖子

及繡衣六事東廊從南第二院有宣律師製

袈裟堂曼殊堂有松數株甚奇

和宣律和尚袈裟

南山披時寒夜中一角不動毘嵐風何人見此

生慙愧斷續猶應護得龍

原詠

善繼

共覆三衣中夜寒披時不鎮尼師壇無因蓋
得龍宮地畦裏塵飛葉相殘

奇松連二十字絕句

杉松何相踈榆柳方迥屑無人擅談柄一枝不

敢折柯中一作庭苔蘚深吹餘鳴佛禽至於摧折

枝凡草猶避陰繼僻徑根從露閑房枝任侵一

株風正好來助碧雲吟夢時時掃窻聲重露滴

寒砌風颭一枝道閑窺別生勢昇上偃蓋入樓妨

盤根侵井窄高僧獨惆悵為與澄嵐隔柯

永安坊永壽寺三門東吳道子畫似不得意佛
殿名會仙本是內中梳洗殿貞元中有証智
禪師往往靈驗或時在張櫝蘭中若治田及
夜歸寺若在金山界相去七百里

閑中好

閑中好盡日松為侶此趣人不知輕風度僧語
夢閑中好塵務不縈心坐對當窻木看移三面
陰柯閑中好幽磬度聲遲卷上論題筆畫中僧
姓支繼

崇仁坊資聖寺淨土院門外相傳吳生一夕秉
燭醉畫就中戟手視之惡駭院門裏盧稜伽
常學吳勢吳亦授以手訣乃畫總持三門寺
方半吳大賞之謂人曰稜伽不得心訣用思
太苦其能久乎畫畢而卒中門牕閒吳畫高
僧韋述贊李嚴書中三門外兩面上層不知
何人畫人物頗類閻令寺西廊北隅楊恒畫
近塔天女明睇將瞬團塔院北堂有鐵觀音
長三丈餘觀音院兩廊四十二賢聖韓幹畫
元中書贊東廊北頭散馬不意見者如將嘶

蹠聖僧中龍樹商那和修絕妙團塔上菩薩
李真畫四面花鳥邊鸞畫藥師菩薩頂上莪
葵尤佳塔中藏千部妙法蓮華經

諸畫連句

栢梁體

吳生畫勇正

一作戟攢

柯出變奇勢千萬端

繼蒼

蒼鬼怪層壁寬

夢觀之忽忽毛髮寒

柯稜伽之

力所疲殫

柯

李真周昉優劣難

夢

活禽生卉唯

一作

邊鸞

柯

花房嫩彩猶未乾

繼

韓幹變態如激

湍

夢惜者壁畫世未殫後人新畫何汗漫

繼

觀山燈獻徐尚書

并序

尚書東苑公鎮襄之三年四維具舉而仍歲穀
熟及上元日百姓請事山燈以報穰祈祉也時
從事及上客從公登城南樓觀之初爍空爇谷
漫若朝炬忽驚狂燒卷風撲緣一峯如塵烘旆
色如波殘鯨鬣如霞駁如珊瑚露如丹蛇蚊離
如朱草藂藂如芝之曲如蓮之擎布字而疾抵
電書寫塔而爭同蜃構亦天下一絕也成式辭
多嗤累學未該悉策山燈事唯記陳後主宴光
璧殿遙詠山燈詩云雜桂還如月依柳更疑星
輒成三首以紀壯觀

風杪影凌亂露輕光陸離如霞散仙掌似燒上
峨眉道樹千花發扶桑九日移因山成衆像不
復籍蟠螭

踴出多寶塔往來飛錫僧分明三五月傳照百
千燈馴狖移高柱慶雲遮半層夜深寒焰白猶
自綴金繩

磊落風初定輕明雲乍妨踈中搖月彩繁處雜
星芒火樹枝柯密燭龍鱗甲張窮愁讀書者應
得假餘光

光風亭夜宴妓有醉毆者

是不全長律統裁編入白中
徑之

擲履仙鳧起捲衣蝴蝶飄羞中含薄怒嘖裏帶
餘嬌醒後猶攘腕歸時更折腰狂夫自纓絕眉
勢倩誰描

和徐商賀盧員外賜緋

一作和徐相公賀盧陽
徐別使加章服

雲雨軒懸鶯語新一篇佳句占陽春銀黃年少
偏欺酒金紫風流不讓人連壁座中斜日滿貫
珠歌裏落花頻莫辭倒載吟歸去看欲東山又
吐茵

河出榮光

見唐科試詩

符命自陶唐吾君應會昌千年清德水九折滿

榮光極岸浮佳氣微波照夕陽澄輝明目闕散
彩入龍堂近帶關雲紫遙連日道黃馮夷矜海
若漢武貴宣房漸沒孤槎影仍呈一葦航撫躬
悲未濟作頌喜時康

哭李羣玉

曾話黃陵事今為白日催老無兒女累誰哭到
泉臺

寄溫飛卿牋紙

予在九江造雲藍紙既乏左伯之法全無張永
之功輒送五十枚一作板

作題下句

三十六鱗充使時數番猶得裹相思待將袍襖

重抄了盡寫襄陽播搭一作掘和詞

題石泉蘭若

轟竹為籬松作門石楠陰底藉芳蓀方袍近日
少平叔注得逍遙無處論

怯酒贈周繇一作荅周為
憲看牡丹

大白東西飛正狂新篔石凍雜梅香詩中反語
常迴避尤怯花前喚索郎

牛尊師宅看牡丹

洞裏仙春日更長翠叢風剪紫霞芳若為蕭史

通家客情願扛壺入醉鄉

觀棋

一作濕
庭詩

閑對弈楸傾一壺黃羊枰上幾成都他時謁帝
銅池曉一作晚便賭宣城太守無

題僧壁

一本下有和
韋鑄三字

有僧支頰撚眉毫起就夕陽磨剃刀到此既知
閑最一作處樂俗心何啻九牛毛

哭房處士

獨上黃壇幾度盟印開龍渥喜丹成豈同叔夜
終無分空向人間著養生

呈輪上人

虎到前頭心不驚殘陽擇蝨懶逢迎東林水石
未勝此要假遠公方有名

題谷隱蘭若三首

風惹閑雲半谷陰巖西隱者醉相尋草衰乍覺
徑增險葉盡却疑溪不深

鳥啄靈雛戀落暉村情山趣頓忘機丹成道士
過門數葉盡寒猿下嶺稀

風帶巢熊拗樹聲老僧相引入雲行半陂新路
畚纜了一谷寒煙燒不成

不赴光風亭夜飲贈周繇

屏開屈膝見吳娃
蠻蠟同心四照花
姹女不愁難管領
斬新鉛裏得黃牙

嘲元中丞

紀事作嘲周繇一作袁中丞嘗元中丞與妓人戲語嘲之

鶯裏花前選孟光
東山逋客酒初狂
素娥畢竟難防備
燒得河車莫遣嘗

寄周繇求人參

少賦令才猶強作
衆醫多識不能呼
九莖仙草真難得
五葉靈根許惠無

嘲飛卿七首

曾見當壚一箇人
入時裝束好腰身
少年花蒂多芳思
只向詩中寫取真

醉袂幾侵魚子纈
飄纓長貫鳳皇釵
知君欲作閑情賦
應願將身作錦鞵

翠蝶密偎金叉

一作七

首青蟲危泊玉釵梁
愁生半額不開靨
只爲多情團扇郎

柳煙梅雪隱青樓
殘日黃鸝語未休
見說自能裁袖腹
不知誰更著幃頭

愁機嬾織同心苣
悶繡先描連理枝
多少風流詞句裏
愁中空詠蚤環詩

燕支山色重能輕南陽水澤闔分明不煩射雉
先張翳自有琴中威鳳聲
半歲愁中鏡似荷牽環撩鬢却須磨花前不復
抱瓶渴月底還應琢刺歌

柔卿解籍戲呈飛卿三首

長擔犢車初入門金牙新醞盈深罇良人爲漬
木瓜粉遮却紅腮交午痕

最宜全幅碧鮫鮓自褰春羅等舞腰未有長錢
求艷錦且令裁取一團嬌

出意挑鬢一尺長金爲鈿鳥簇釵梁鬻金種得
花茸細添入春衫領裏香

戲高侍御七首

百媚城中一箇人紫羅垂手見精神青琴仙子
長教示自小來來號阿真

七尺髮猶三角梳玳牛獨駕長檐車曾城自有
三青鳥不要蓮東雙鯉魚

花悵紅膏一作腮柳妬眉東鄰墻短不曾窺猶憐最
小分瓜日柰許迎春得藕時

自等腰身尺六彊兩重危鬢盡釵長欲燠羅薦
嫌龍腦須爲尋求石葉香

別起青樓作幾層斜陽幔卷鹿盧繩厭裁魚子
深紅纈泥覓蜻蜓淺碧綾
詐嫌嚼貝磨衣鈍私帶男錢壓鬢低不獨邯鄲
新嫁女四枝鬟上插通犀
可羨羅敷自有夫愁中漫捋白髭鬚豹錢聰子
能擎舉兼著連乾許換無

送僧二首

形神不滅論初成愛馬乘閑入帝京四十二年
虛過了方知僧裏有唐生

想到頭陀最上方桂陰猶認惠宗房因行戀燒
歸來晚窓下猶殘一字香

猿

却憶書齋值晚晴挽枝閑嘯激蟬清影沈巴峽
夜巖色蹤絕石塘寒瀨聲

送穆郎中赴闕

應念愁中恨索居驪歌聲裏且踟躕若逢金馬
門前客爲說虞卿久著書

題商山廟

偶出雲泉謁禮闈篇章曾沐漢皇知無謀靜國
東歸去羞過商山四老祠

折楊柳七首

枝枝交影鎖長門嫩色曾沾雨露恩鳳輦不來
春欲盡空留鶯語到黃昏

此篇一作
王貞白詩

水殿年年占蚤芳柔條偏惹御爐香而今萬乘

多巡狩輦路無陰綠草長

此篇一作
王貞白詩

玉樓煙薄不勝芳金屋寒輕翠帶長公子驂駟

往何處綠陰堪繫紫遊韁

嫩葉初齊不耐寒風和時拂玉欄杆君王去日

曾攀折泣雨傷春翠黛殘

此篇一作
王貞白詩

微黃纔綻未成陰繡戶珠簾相映深長恨蚤梅

無賴極先將春色出前林

隋家堤上已成塵漢將營邊不復春只向江南

并塞北酒旗相伴惹行人

陌上河邊千萬枝怕寒愁雨盡低垂黃金穠短

人多折已恨東風不展眉

哭李羣玉

酒裏詩中三十年縱橫唐突世喧喧明時不作

襴衡死傲盡公卿歸九泉

漢宮詞二首

歌舞初承恩寵時六宮學妾畫蛾眉君王厭世

妾頭白聞唱歌聲却淚垂
二八能歌得進名人言選入便光榮豈知妃后
多嬌妬不許君前唱一聲

醉中吟

只愛糟牀滴滴聲長愁聲絕又醒醒人間榮辱
不常定唯有南山依舊青

桃源僧舍看花

前年帝里探春時寺寺名花我盡知今日長安
已灰燼忍能南國對芳枝

和周繇見嘲

并序一作和周為憲
廣陽公宴見嘲詩

廣陽公宴成式速罷馳騁坐觀花豔或有眼飽
之嘲周繇作詩嘲之成式和併序曰近者初開
金埒大敞紅筵騎歷塊而風生鼓摻擗而雷發
成式未曾盤馬徒效執鞭喜過君子之營徒接
將軍之第欸段辭退因得坐觀是時滿目鈿黃
逆鼻蘭麝晚薪餘論恨織素而不憐斜柯新知
歎因針而難假化符端公妾換名馬賦闢長門
莫逆賞心形於善謔為憲老舅吟飄白雪思效
碧雲六韻傳觀不得落地鏗如佩玉粲若列星
儻眼詎貴於千金貸心只勞於一句輒鳴瓦缶

方應金鏡拘輔宜哈足代諧笑
才甘魚目並藝怯馬蹄閒王謝初飛蓋姬姜盡
下山縛雞方角逐射雉豈開顏亂翠移林色狂
紅照座殷防梭齒雖在乞帽鬚慚斑儻怒相如
瘦應容累騎還

段成式詩

乙卯十一月望日校李滄蒼鈔本訖增補